



IV GOVERNUN KONSTITUSIONAL  
SEKRETARIA ESTADU KONSELLU MINISTRUS

---

**REPUBLIKA DEMOKRÁTICA TIMOR-LESTE**  
**IV GOVERNUN KOSTITUSIONAL**

**SEKRETARIA ESTADU KONSELLU MINISTRUS**

**KOMUNIKADU BÁ IMPRENSA**

Sorumutu Konsensellu Minsitrus loron , 29 Kuarta-feira fulan Abril tinan 2009

Konsensellu Ministrus hala'ó sorumutu iha Kuarta-feira, 29 Abil tinan 2009, iha Sala Reunião Konsensellu Ministrus, iha Palásiu Governu, iha Díli, no aprova tiha :

### **1. Dekretu-Lei ne'ebé aprova Orgânica Inspeksaun- Jeral Estadu nian**

Konsensellu Ministrus aprova tiha ohin Dekretu-Lei ne'ebe konfere bá Inspeksaun Jeral Estadu enkuadramentu jurídiku adekuaudu ida, fó atribuisaun no kompetênsia própria funsaun auditoria nian no inspeksaun. Nuné sei fó bá Governu no Primeiru Ministru informasaun ne'ebé presiza no objektivu tuir tansparênsia no sentidu responsabilidade iha aktividade finanseira no jestaun bá Administrasuan Públika.

Konsensellu Ministrus sei analiza :

#### **1 Kalendarizasaun Preparasaun Orsamentu 2010.**

Ministériu Finansas apresenta tiha iha sorumutu no Konsensellu Ministrus ohin planu ida Kalendarizasdaun ba apresentasaun Orsamentu Jeral Estadu bá tinan 2010. Planu ne're prevê entrega Proposta Orsamental, iha Parlamentu Nasional , to'ó fulan Outubru remata.

#### **2. Prosesu Rekrutamentu bá Fatin Xefia iha Minuistériu Finansas**

Rezultadu hirak husi prosesu rekrutamentu bá Tékniku Superior husi Grau A no B no nomeasaun bá Direktor Nasional no Jeral, lansa tiha husi Ministériu Finansas no

data términu liu tiha iha loron 20 fulan Marsu, sai tiha apresentadu bá membru Konsellu Ministrus. Iha mós rekizitu husi prosesu rekrutamentu orientadu husi Komisaun Funsau Públika, bá kandidatu 190 ne'ebé simu tiha, só 17 bá entrevista individual. Ikus mai, kona bá kandidatu sira ne'e, Painel Rekrutamentu sei submete rekomendasau bá Ministra Finansas hó baze iha pasajem global husi kandidatu sira husi teste hotu-hotu, avalia pontu forte no fraku no diak hanesan halo komentáriu bá pasadu profesional.

### **3. Enkuadramentu finanseiru bá médiu prazu**

Liu tiha breve retrospectiva ida husi ekonomia Timor-Leste nian, foku apresentasaun sentra tiha iha diferente senáriu kresimentu no/ka iha polítika reforma nian ne'ebé sei sai iha ekonomia país nian.

Pontu prinsipal hanesan:

- a) Maneira ne'ebé maka lalais no prudente bá kresimentu despeza kapital bá médiu prazu?
- b) Maneira ne'ebé mak diak husi taxa no impostu husi kontribuinte sei aumenta?
- c) Oin nusá maka negósiu bele sai diak liu?
- d) Forma oinsá bele aumenta "value for maney" husi investimentu públiku?

Atu limita aumenta bá despeza sei fó importânsia liu bá rendimentu doméstiku, despeza Governu nian sai efisiente liu no polítika negósiu nian amigável liu tan. Medida hirak ne'e importante se Timor-Leste hakarak evita, ka husi menus atraza, deklíniu husi Fundu Petróleu. Kontrola despeza sai xave atu estabiliza finansas públika país nian.

### **4. Prioridade Nasional :**

Apresenta tiha grupu ne'ebé, hó akordu hó nia àrea intervensaun, sei bá servisu iha Prioridade Nasional bá tinan 2009. Siklu reuniaun oin mai husi Grupu Traballu sei aprova matriz final Prioridade Nasional, halo relatóriu mensal no nomea representante Sociedade Sivil ne'ebé sei halo parte Grupu Traballu.

### **5. Prosesu Informasaun Dadus Identifikasaun Sivil**

Ministériu Justisa apresenta tiha prosesu informasaun dadus ne'ebé sai implementadu. Prosesu ne'e sei iha impaktu boot ida liu-liu iha àrea Seguransa no Defeza (kontrolu movimentasaun ema iha fronteita), Servisu Seguransa Sosial

(assistênsia bá programa) no iha vertente Polítika no Demokrátika (iha prosesu eleitoral, por exemplu).

## **6. Planu akreditasaun Diploma Universitáriu**

Ministériu Edukasaun determina tiha realizasaun exame ida husi konkursu funksionalismu públiku bá sidadaun hotu-hotu ne'ebe iha diploma, ka ekivalente habilitasaun nian iha nivel superior , atribui husi instituisaun nasional ka internasional ne'ebé iha nia rain orijem, sei dauk hetan akreditasaun institusional formal no respetiva lisensa operacional.

Exame ida ne'e koordena husi Direksaun Nasional Ensinu Tékniku no Superior husi Ministériu Edukasaun hamutuk hó Ministériu Administrasaun Estatal no Ordenamentu Territóriu.